

Salatul  
Doah

Salatul  
Awabin

Salatul  
Tasbih

Salatul  
Istaghfar

Salatul  
Hifzul Imam

Nafil pour  
Isale Sawaab

Salatul  
Israa

Salatul  
Fatah

# 35

## Namaz Nafil

**sawaab**  
**avec explication**

Par  
**S.M.A. Asraf Jilany**

**Al-Aqea Sunni Centre - Port Louis**  
**MAURITIUS**

**Traduire en Créole**

par  
**HABIBOULLAH**

Tahayattul  
Wazoo

Nafil pour  
12 mois

Nafil pour  
Aum-E-  
Ashoura

Nafil pour  
Shabe Barat

Nafil pour  
Shabe Qadr

Nafil pour  
Mehraj Shareej

Salatul  
Mustajabud  
Darwat

Salatul  
Hajat

Salatul  
Haajaat

Salatul  
Shukr

Salatul  
Shifaa



Mo remercié mo Rab et créateur infiniment qui li fine donne moi courage lor sadqa nou Mehboob(s.a.w) pou mo fine capave donne écrire ene livre lor namaz nafil. Mo espéré qui Allah pou donne so bénédiction pou qui livre la publier. Allah donne nou tout banne freres, soeurs, benediction pou qui nou mettre ca en pratique. Ameen, thumma ameen.

Namaz li ene poteau dans l'islam, li ene plus grand ibaadat parmi banne les autre ibaadats. Li ene meilleur façon pou banne banda rencontre zotte khaliq (Créateur) Allah. Quran Paak et hadith mentionne qui ca même ibaadat, li pli nécessaire et fine montre qui tout banne bénéfice spirituelle dans ca monde la coumma dans lot monde, li ena relation avec ca qualité ibaadat la. Quran paak et hadith cite entre autres ca 20 profits énorme la parmi.

- Namaz li ene façon pou faire Allah content.
- Namaz li ene quikchose qui banne farishta bien content.
- Namaz li ene sunnat banne Ambiya-e-kiraam.
- Namaz ene plus bel noor Allah.
- Namaz donne barkat dans nous rizk(mange).
- Namaz ca meme racine nou Iman.
- Namaz li ene repos pou nous l'âme et nous le corps.
- Namaz servi pou protège nou contre banne l'ennemi.
- Namaz capave servi pou faire nou shafa'at (l'intercession).
- Namaz ena éclairage pou nou Qabar.
- Namaz empêche nou reste dans solitude dans Qabar.
- Namaz c'est ene façon pou faire doah qabool (exaucé).
- Namaz ene aide pou facilite nou réponse avec Moonkar Nakir.
- Namaz donne ene lumière dans nou le ker et dans nous l'âme.
- Namaz sauve nou are di feu l'enfer.
- Namaz servi ene mesure(poids) 1er pese nou banne Amaal (actions).
- Namaz pou faire nou traverse vite lor poulsiraat.

- Namaz le clef jannat.
- Namaz éloigne nou are banne mauvaises actions.
- Avec namaz nou Amaal namaaz li nettoye pareil coumma savon nettoye ene linge sale. Hoozoor(s.a.w) fine dire qui ene banda li pli approché avec so rab quand li dans sijida namaz.

Allah Rabbul Izzat Li très sincère et Li ena pitié pou so banda. Allah jamais laisse personne qui faire so sajda et frotte so nenez lor la terre, courber devant les autres et li dire....."Eh mo croyant! astere to fine vine pou moi" Namaz pas seulement servi ou dans Akherat mais aussi dans dunya, li ene façon pou ou réussi dans la vie matérielle. Li sauve ou dans tracas et dans difficulté.

Hazrat Aboo Huzaifa (r.a) fine déclaré qui ler Hoozoor(s.a.w) ti pe tombe dan ene grand difficulté, li ti pe alle dan namaz toute suite. Qui fer? Parcequi namaz ena rahmat Allah. Dans chaque moment difficile faire ibaadat li absolument couma dire ou pe cherche refuge et protection dans godi (le bras) allah. La personne qui dans protection Allah pas ena narien a craindre ni lor dunya ni dans Akherat tout banne ambiya-e-Kiraam et zotte banne Ummat, banne tabein, swalehin et les autres ti pe suivre ca même principe. Zotte ti pe faire namaz chaque fois qui zotte ti dans difficile. Avec barkat namaz Allah ti pe aide zotte invisiblement et zotte ti pe gagne succès. Ene ti baba, si li gagne peur ou si quique étranger cause fort are li, li gagne peur et li rode protection dans le bras so mama et li gagne tranquillité la-bas même. De la même façon toute banda momin alle vers so Khaliq n'importe quand quiquaine fer zooloom lor li. Li fer sajda so rab et li gagne tranquillité. Allah dire: "Eh mo banne croyants! Avec Namaz ek sabar(patience),cherche l'aide.

Aussi longtemps qui musulmans fer ibaadat so rab, li pas pou tombe dans difficulté, Allah Taala fine donne victoire ek succès banne musulmans contre qui banne puissant n'importe qui incroyants les autres le rois, ti rode fer zooloom. Ti ena ene l'époque quand musulman ti connu et renommé et ti servi l'exemple pou les autres, surtout pou banne kafirs. Mais aster li pas comme ca. Ler nous abandonne façon qui banne Boozrooq, banne Ambiya et nou nabi (s.a.w) ti montré nou et nou fine néglige faire ibaadat.

Nous fine tombe dan difficulté. Zordi, nou respect ne pli couma li ti été autrefois. A peine si nou capve dire quelques musulmans pe faire l'honneur Islam.

Mo banne frere, si nou le vin bon musulmans, tout quikchose qui nous fine perdi nou capave regagne zotte insha Allah. Dans namaaz ena grand richesse, qui Allah fine donne tout momin. Namaz faire leker momin reste dans tranquillité. Ene momin quand même li bien riche et li gagne tout quikchose a l'aide, li gagne la paix seulement dans Namaaz. Ene poisson dans la mer, ou tire li dans dilo ou mette quand même linge plus cher are li, li pas pou gagne tranquillité jamais, excepte si ou mette li dans la mer encore. Sa même tranquillité qui ena dans namaaz pou banne banda momin, parce qui namaaz li ene nourriture pou leker banda momin.

Allah fine faire 5 fois namaaz obligatoire (faraz) pou nou, qui nou bizoin lire mais ena quelques nafils aussi, qui si nou, pratique zotte ,nou pou gagne beaucoup profits et nou pou gagne sawaab. Dans dunya li coume ca: Ce qui travaille li gagne la paye. Mais ce qui faire extra (overtime),li gagne pli boucoup l'argent a cause qui li sacrifie pli boucoup le temps. Ce qui lire 5 fois namaz, li bien bon. Mais ce qui lire nafils li pou gagne beaucoup plus. Hoozoor (s.a.w) fine dire qui Allah Taalah dire: "avec faraz, mo banne banda cherche pou vine pres are moi. Avec nafils zotte essaye tout le temps pou vine plus près avec moi. Finalement zotte vine près avec moi et doah zotte demandé mo faire qabool. Mo accompli tout zotte nécessaire et mo garde zotte dans mo Rahmat."

Dans ene lot hadith, ena qui dan namaaz faraz ce qui manque, li complète dan nafil. A cause ca même li recommande pou lire nafil tout le temps. Alhamdo lillah tout banne frères et sœurs conne qui veut dire namaz faraz, a cause ca mo pas écrire narien a propos namaaz faraz.

Puisque boucoup banne frères et sœurs gagne désir pou lire nafil et parce qui boucoup fine approche moi pou explique pou qui zotte capave lire namaaz nafils continuellement, mo fine faire prépare ca livret la pou explique dans qui facon lire nafils et combien qualite nafils ena. Mo espéré qui banne freres et sœurs gagne plaisir lire nafil régulièrement par la grace Allah. Ameen thumma ameen.

Mo fine décrire ca banne namaaz nafils la a partir banne receuils dans livre recommandes, tels les livres banne grands savants musulmans et dans sahaé sitta. Mo mentionne spécialement sayed Ashraf Jahangeer (r.a) so livre qui écrire en farsi (persan) et qui contenir boucoup de bonnes choses qui moorids ti ape pratique et apé pratiqué.

Banne Moorids la fine faire ene recueil tout ca banne l'enseignement la et mo fine tire certains banne l'enseignement la pou mo faire livret la, aussi bien qui banne qui mo fine trouve dans sahae sitta, Tirmizi, Abu dawood, Ibn maja, bukhari Shariff etc. Finalement, mo remercie mo frère Habiboullah pou la peine qui li fine prend pou traduire bannes textes de l'Urdu et mo faire doah pou qui Allah garde li en bonne sante et donne li courage pou li continuer aide moi pou propage l'islam.

Ler ou pou lire ca livre la et ou mette banne l'enseignement en pratique, pas blier ou demande doah pou moi aussi, pou gagne a dans dunya et dans akherat servi Oomaté Mustapha. Dimande doah aussi pou Musjid Al-Aqsa servi Ahle Sunnat Wal Jammāt. Ameen Thumma ameen.

## **1. TAHIYATT UL WAZOO**

Li recommandé pou lire 2 rakaats namaz tahiyatt ul wazoo après qui ou fine faire wazoo et avant qui ou parti le corps qui ou fine mouille dans wazoo, li vine sec. Dans Hadith sahih muslim enan qui Nabi-e-karim (s.a.w) fine dire. "celui qui faire wazoo bien et qui lire 2 rakaats Tahiiyyat ul wazoo avec plein dévotion, Allah donne li jannat.

## **2. TAHIYAT UL MUSJID**

Ler rentre dan Musjid après qui ou fine fini faire wazoo, li sunnat pou lire 2 rakaats namaaz Tahiyat ul Musjid. Dans Hadith shareef (bukhari) Hoozoor(s.a.w) dire qui celui qui rentre dans ene musjid, avant qui li assisé li bizoin lire 2 rakaats Tahiyat ul Musjid. Apres Azan Fajar jusqu'a soleil levé et après Namaaz Assar, jusqu'à coucher du soleil li Mana (empêché)



lire Tahiyat ul wazoo. Entre-temps ou capave lire darood ou Tasbih.

### **3. SALAT-UT-TAHAJJUD**

Ça namaaz nafil la meilleur qui tout banne nafil. Enan boucoup recommandations et éloges pour ça nafil la dans Hadith Shareef Bukhari et Muslim. Hoozoor (s.a.w) dire qui Allah, le Maître et Créateur, Li ene plus grand Pardonne. Dans chaque 3ème et dernier parti la nuit, Allah tourne vers dunya et dimande: "Est ce qui ena quikene qui oule faire doah, Mo pou faire so doah qabool." cequi li dimandé, Mo donne li, qui sann-la oulé maghferat, Mo faire li maaf. Oulé dimande cequi ou bizoin Mo donne ou. Ou dans difficulté, mo faire ou difficulté disparaître."

Dans ene lot hadith, Rasool (s.a.w) dire: "Allah pli près ek so banda dans sa 3ème partie la nuit la. Allah vine parmi ça banne banda qui sacrifie ça parti la nuit la pou faire Ibadaat. Dans ene lot hadith encore ena qui Hoozoor (s.a.w) fine dire: "Lire Tahajjud sans faute, parce qui avant zotte, ça ibadaat la li ene tradition banne Swaleheen et li ene façon spécial pou approche avec Allah. Allah pardonne banne péchés et sauve ou are banne mauvaises action.

Dans Hadith, li ajouté qui Allah faire waada (promesse) avec Bani Adam (fils Adam), qui si zotte faire ibadaat dans l'obscurité la nuit, Allah pou éclairer zotte Qabar et zotte la vie dunya et zotte la vie akherat oussi pou éclairer. Dans ene hadith, Hoozoor (s.a.w) dire qui après namaaz farz, namaz qui plus profitable, c'est namaz Tahajjud. "L'heure convenable pou lire Tahajjud, c'est vers 3 heures du matin jusqu'a a l'heure sehri couma l'heure sehri pe vini, l'heure tahajjud fini, ou capave lire 2 à 12 rakaats selon ou capacité. Si ene dimoune qui tout le temps li ti habitué lire tahajjud et qui fine arrivé li fine malade et li pas fine capave lire so Tahajjud le soir même, alors pou ca circonstance la seulement et dans ca cas la li capave lire li pendant la journée exceptionnellement avec niyyat 12 rakaats et ça ene hadith Muslim shareef. Hazrat Aisha siddiqua (r.a) li déclaré qui Hoozoor (s.a.w) quand li pas ti pe capve lire Tahajjud a cause malade ou empêchement, li ti apé lire 12 rakaats dan la journée.

## **FACON LIRE NAMAZ TAHAJJUD**

Ou lire 2 rakaats par 2 rakaats, toujours avec niyyat Tahajjud. Dans chaque rakaat ou lire Alham et 3 fois Qul houwallah.

Ene l'autre façon pou lire c'est dans façon la: Dans 1er rakaat après Alham ou lire 12 fois Qul Houwallah. Dans 2eme rakaat, 11 fois Qul houwallah, dans 3 eme rakaat, 10 fois, dans 4eme 9 fois et dans chaque rakaat qui reste diminué li ene fois, par exemple : 8 fois, 7 fois, 6 fois etc...., jusqu'a dans dernier rakaat ou lire 1 seul fois Qul Houwallah. Li nécessaire qui ou lire 2 rakaats par 2 rakaats ca façon la. Apres qui ou fine lire Qul Houwallah, soit 12 fois, 11 fois, 10 fois etc. Ou capave lire sourah qui ou envi. Lere ou fine fini lire namaz Tahajjud ou lire ça doah:

**Allahounma lakal hamdo anta qaiyyimous samaa wati wal ardwe waman fi hinna. Walakal hamdo antassamawate wal ardwe waman fi hinna walakal hamdou anta nouroussama wate wal ardwe waman fi hinna walakal hamdou antal haqqou wa waadakal haqqou waleqaa ouka haqqoun wannabiyyouna haqqoun wassayyadouna muhammadan haqqoun wasseratou haqqoun, Allahounma bika aslamto wabika amantou wa alaika tawakkaltou wa-ilaika anabtou wabeka hasantou wa ilaika hakamto anta rabbana wa-illaikal maswir faghfirli maa qaddamtou wa maa akhkhartou wamaa asrartou wamaa a'lantou wa maa anta 'alamou bihi minni antal muquaddimou wa antal muakhkhirou la illaha illa anta la hawla wa la quwwata illa billa hil alioul azim.**

## **4. SALAAT ISHRAAQ**

Dans hadith Tirmizi Shareef, Hoozoor (s.a.w) fine dire celui qui faire namaz fajr avec jamaat et li faire éloge Allah (zikr) ou bien li lire Quran Shareef jusqu'a qui soleil fine levé et après li lire 2 rakaats salaah ul ishraq, li gagne sawaab Haj ek umrah. Lire 4 rakaats avec niyyat Salat-ul-Ishraq. Enan ene riwayat (raconte) qui dire celui qui lire 4 rakaats après qui soleil levé, Allah faire wada (promesse) avec ça personne la qui

li pou protege li pendant toute la journée entier et qui li pou donne li ce qui li bizoin (jaiz). Banne auliah fine dire ça namaz la salat ul Ishraq et Salat ul Haajat, parcequ'i ça namaz la n'importe qui doah jaiz qui ou dimandé, Allah faire qabool. celui qui lire namaz la, jamais li pou vin mouhtaj quelqu'un (depende lor quikene), tout le temps Allah pou aide li. Li pou gagne barakat dans so travail et li pou faire progrès. Li recommandé qui ou faire ça namaz la.

Ça namaz la ou lire environ 20 minutes après qui soleil fine levé. Dans premier rakaat apres Alham ou lire sourah Washams, dans 2eme rakaat, ou lire Alham et sourah wallaile. Dans 3eme rakaat, ou lire Alham et waddoha. Dans 4eme rakaat, ou lire Alham et Alam Nashrah. Si ou pas conne ça banne surah la, sourah qui ou trouve facile ou lire. Apres salaam ou lire 11 fois ca doah la:

**Allahoumma inni as-alokal 'afwa wal 'afiata walmou afaatad daema fiddené waddunya wal akhéra.**

## **5. SALATTUL DOUHA**

Ça oussi li ene sunnat. Nous Hoozoor (s.a.w) fine déclaré qui celui qui lire 2 rakats namaz Chaast, Allah pou pardonne so péché quand meme qui quantité li été. Allah pou éclairer so figure dans dunya et oussi dans qabar et même jour jugement dernier. Pou ça namaz la enan so l'importance mentionne dans hadith Shareef. Ça namaz la, li 2 a 12 rakaats et ou capave lire sura qui ou conné. Ou capave faire li à partir de 10 heures jusqu'a Misfounnahar. C'est-a-dire, jusqu'a vers avant midi.

## **6. SALATTUL AWABIN**

Ça namaz la, enan 6 rakaat nafil et bezoin lire li entre Maghrib et Esha. Ena boucoup Sawab si ou lire li. Hazrat Abu Hooraira (r.a) fine dire Hoozoor (s.a.w) fine dire qui celui qui faire 6 rakkats namaz entre maghrib et Esha et li pas cause aucainne causé dunya, ler la ça 6 rakaats namaz la li pou égal ibaadat 12 bananés so ibaadat. Haazrat Abu bakr Siddiq (r.a) fine dire qui li même fine tendé qui Rassool (s.a.w) fine dire qui celui lire 4 rakaats namaz après Maghrib, li pou pareille couma ene dimoune qui fine faire Hajj. Hazrat Abu bakr Siddiq dimande qui pou arrivé banne qui faire 6



rakaats. Hoozoor (s.a.w) fine réponde qui Allah pou faire zot goonah (peche) maaf.

## **Facon pou lire Awabin**

Lire 6 rakaats 2 par 2. Dans premier rakaat lire Qul ya ayyu hal Kafiroun dans 2eme rakaats li mustahab pou lire Qul houwallahou ahad et pou le reste (4) rakaats ou lire n'importe qui facile ou conné.

## **7. SALATTUL TASBIH**

Ça li 4 rakaats nafil. Ena boucoup sawab si lire ça Hadith Abu Dawood et Ibne Majah mentionné qui ene jour Hoozoor (s.a.w) fine dire avec so chacha Hazrat Abbas:

- chacha! Est ce qui ou oulé mo donne ou ene cadeau de grande valeur?
- Est ce qui ou oulé mo donne ene chose spéciale?
- Ou oulé mo donne ou ene quikchose qui ou pou gagne 10 grands profils?

Allah pou faire ou goonah (péché) maaf. Ça banne péché li:

- Banne péché qui ou ti pou faire, mais qui ou pou éloigné are zotte astere.
- Bann péché qui ou fine fec faire.
- Banne peche qui ou fine faire depuis longtemps.
- Banne péché nouveau qui fec faire(récents)
- Banne péché qui ou fine faire par oubli.
- Banne péché qui ou fine faire avec ou propre connaissance.

- Banne péché mineur (pas grave).
- Banne péché qui ou fine faire dans cachette.
- Banne péché grave.
- Banne péché qui ou fine faire ouvertement

Et alors Rassool (s.a.w) fine donne so réponse et li fine dire qui ça action la c'est Salatut Tasbih. Li fine dire so chacha si li capave lire ça nafil tous les jours. Si li capave, alors li lire tous les vendredis. Si li pas capave, li lire ene fois par an, ou encore, si li pas capave même alors lire li ene fois dans so la vie.

### **Facon lire Salatut Tasbih**

Ou faire niyyat pou faire 4 rakaats Salatut Tasbih.....

Tasbih : **(Subhanallahi walhamdoulilahi walailaaha illallahou wallahou ackbar).**

Après niyyat, ou lire comme d'habitude pou tout namaz, sana(*Subhanakalla humma*), lire 15 fois ça tasbih mentionné la et lire a'ouzoubillahe et bismillah. Ensuite ou lire Alham et sura qui ou conné. Après ou lire Tasbih 10 fois.

Après ou alle dans rookoo et ou lire 3 fois Subbhaana rabbial 'azwim coumma pou tou namaaz et après ça ou lire 10 fois tasbih. Après ça ou dire *sami'allahou lemann hamidah, Rabanaa lakal hamd après lire 10 fois tasbih.*

Ou ale dans sajdah lire 3 fois *Subhana rabbiyal a'laaa* couma dans tout namaz et après dans sajda même ou lire 10 fois tasbih, puis ou assisé et ou lire 10 fois tasbih encore, et après ou alle dans second sajdah et ou lire 3 fois *Subhana rabbiyal a'laa* et après 10 fois tasbih. Ou leve pou 2eme rakaat.

Avant qui ou lire Alham, ou lire 15 fois tasbih. Après Alham ek sura ou lire 10 fois tasbih. Ensuite ou alle dans rookoo et lire 10 fois tasbih, levé et lire 10 fois tasbih alle dans sajdah lire 10 fois tasbih assisé encore 10 fois,



2eme sijdah 10 fois et apres complete couma dans tout namaz.

## **RECAPITULATION**

### **1<sup>er</sup> Rak'at**

1. Niyyat
2. Thana (Subhanakallaahumma)
3. 15 fois Tasbih
4. Ta'awwuz(A'ouzobilla), Tasmiyya (bismillah) + Alham ek sura
5. 10 fois Tasbih
6. Rookoo (la main lor genoux)
7. 10 fois tasbih dans rookoo
8. Diboute droit avannt alle dans sijdah
9. Lire 10 fois tasbih
10. Alle dans sijdah, lire 3 fois subhaana rabiya a'laa +10 fois tasbih
11. Assize lire 10 fois tasbih avant faire 2eme sijdah
12. 2eme sijdah. lire 10 fois tasbih

### **2eme Rak'at**

1. Dibout
2. 15 fois tasbih
3. Alham ek sura
4. 10 fois tasbih
5. Rookoo (la main lor genoux)

6. 3 fois subhaana rabiyaal 'azwim + 10 fois tasbih
7. Dressé avant alle dans sijdah lire 10 fois tasbih.
8. Sijdah
9. 3 fois subhaana rabiyaal a'laa + 10 fois tasbih
10. Assizé lire 10 fois tasbih avant alle dans deuxieme sijdah
11. 2eme sijdah
12. Lire 3 fois subhaana rabiyaal a'laa + 10 fois tasbih
13. Assise pou complete 2eme rakaat
14. Lire tout doah qui habitué lire dans namaz lor 2eme rakaat

### **3<sup>ème</sup> Rak'at :**

15 fois tasbih le temps dibout  
Le reste pareil couma in explique couma 1er rakaat

### **4<sup>ème</sup> Rak'at :**

15 fois tasbih couma dibout  
Le reste pareil couma pou complète 2eme rakaat

De ça façon la ou pou fini lire ça tasbih la 75 fois dans chaque rakaat, c'est a dire 300 fois en tout.

## **8. SALAT-UL ISTAGHFAR**

Ça namaz la ou lire pou gagne maghferat (pardon). Dans Tirmizi Shareef Hazrat Bakr Siddiqu raconte qui Hoozoor (s.a.w) fine dire qui si arrivé quikene fine faire ene peche, li levé et faire wazoo et li faire namaz *Istaghfar* et après li dimande Allah maaf, Insha Allah so péché pou pardonné.



Dans ene l'autre hadith, ena qui Hazrat Ally fine dire : "Ene jour ene dimoune fine vine vers Hoozoor (s.a.w) et li ti apé ploré. Li dire "Ya Rassoolullah! mo fine faire tellement péché qui mo même pas rappelle. Est-ce qui Allah pou faire moi maaf?" Lere la Hoozoor (s.a.w) fine recommande li faire namaz *Ishtagfar* et même so banne péché boucoup couma disable dans la mer, Allah pou faire li maaf.

### **FACON LIRE NAMAZ ISTAGHFAR**

Ou faire niyat 2 rakaat-istaghar. Dans chaque rakaat ou lire Alham et 11 fois Qul houwallah. Apres salaam ou lire 3 fois sa doah la;

**"Allahumma Maghfiratouka aosa'ou min zonoubi wa rahmatouka arja indi min amali'.**

Après ca ou alle dans sijdah et ou demande pardon Allah pou ou banne péché.

### **9. SALATUL HIFZUL IMAN**

Ça namaz la ou lire pour garde ou Iman ferme. Celui qui lire ca, aussi longtemps qui li vivre lor dunya li pou ena Iman et ler li pour quitte dunya aussi, li pour parmi banne qui ena Iman. Li pour mort avec 'laa illaha illallah mohammadoor rassooloolah'. Pou ene croyant musulman pas ena kitchose plus précieux qui ça. Ou bizin lire ca tous les jours ene fois, ou bien chaque semaine ene fois, ou bien chaque l'année ou bien ene fois dans ou la vie et ou demande doah pour ou, pour banne freres et sœur musulmans et pour moi aussi ou demande doah et pour la religion Islam reste éternellement lor duniya.

### **FACON LIRE NAMAZ HIFZUL IMAN**

Ou lire 2 rakats nafil avec niyaat salatul hifzul iman. Dans chaque rakaat apres Alham ou lire 15 fois Qul houwallah. Apres salaam ou lire 11 fois darood shareef. Apres ça ou dimande doah la:

**Allahouma inni as-alouka Imaanana daema, wa qalban khaashi'aa  
Wa Iymânan 'aafiyaa, wa yaqeenan swadiqaa, wa deenan qayyimaa,  
wa rizqan tayyibaa, wa 'amalam-mutaqabbalaa, wa 'aafiyata min  
koulli baliyyatin. Wa as-alouka housnal 'aaqibati wa dawaamal  
'aaqibati wa' tamaamal 'aafiyati wa as-alouka shoukrou 'alal  
'aafiyati wa as-alokal ghinaa 'anin naas birahmatika ya arhamar  
raahimeen.**

Après ça ou alle dan sijdah et ou dimande doah.

## **10. SALATUL HAAJAT**

Jour Jummah(vendredi), après namaz Jummah, ou lire 6 rakaats nafil avec niyyat salatul haajat. Ou lire 2 rakaats par 2 rakaats. Dans chaque rakaat après Alham ou lire 3 fois Qul houwallah. Après 2 rakaats ou faire salaam et lire 100 fois :

**Wa oufawwiduo amri illallahi innallaha baswiroum bil ibâdi.**

Après ça diboute ou lire 2 rakaats encore après ou faire salaam et ou lire 100 fois :

**Ni'mal mowla wa ni'man naswir.**

Après ça ou lire encore 2 rakaats pareille et après salaam ou lire :

**Allahoumma rabbi inni maghlooboon fantaswir.**

Hazrat Sayedena Makhdodm Sayed Ashraf dire qui : " Mo murshid (peer) fine enseigne moi ça et li fine dire moi qui quand meme n'importe qui difficulté mo été, avec Salatul haajat so barakat, Allah pou sauve moi et banne doah jaiz pou qabool.

## **11. SALAT UL HAAJAT (II)**

Si quelqu'un dans difficulté, li lire 2 rakaats nafil avec niyyat salatul haajat après namaz Esha. Dans chaque rakaat après Alham li lire 1 fois Ayatul



kursi et 11 fois Qul houwallahou Ahad. Apres salaam li lire 111 fois darood ashrafia et apres li alle dans sijdah, li prend wasila Hoozoor (s.a.w) li dimande doah avec Allah pendant 3 nuits continuelle. Avec la grace Allah so désir pou qabool et so difficulté pou fini

**Darood Ashrafia :**

**Allahoumma swalle ala sayyedena mohammadin wa ala ale sayyedena mohammadin kama touhibbo wa tardwa bi an touswaalia alaihe swalaaton wasalaaman alaika ya Rasoolallah swalle wasallim alaika ya habiballah.**

## **12. SALATUL ASRAAR**

Pou gagne succes tout le temps,banne grand savant(theologien) ti ape lire ça namaz la.Ena boucoup facon lire sa.Ene dan sa banne facon la,couma 11eme jour la lune,apres namaz Maghrib ou lire 2 rakaalts nafil salat ul asraar.Dans chaque rakaat,apres Alham ou lire 11 fois Qul houwallah,apres salaam ou lire 11 fois darood ghausia,apres ça ou alle dans sijdah.Avec wasila Hoozoor(s.a.w) ek Hazrat Ghausse Azam ou dimande doah Allah et valeur 11 roupies ou faire sirni ou faire fateha et ou partage sirni la ou banne ti zenfant Insha allah tou ou banne desir pou accompli.

## **13. SALATUS SHIFAA**

Pou préserve ou are bane maladie et pour les autre maux, ou lire ça namaz la. Ou lire 2 rakaats nafil salaah us shifaa. Dans chaque rakaat après Alham ou lire 3 fois Qul Houwallah. Après salaam ou lire 1000 fois ça doah la:

**Yaa baddiil ‘ajabi bil khair irhamni ilaa yaumiddeen.**

Après ou dimande doah pou ça malade la. Après doah ou soufflé dans de l'eau si ou malade ou même ou boire, li sinon ou faire malade la boire ça de l'eau la et ou dimande doah pou li. Avec la grâce Allah, malade la pou dégagé.

## **14. ISALE SAWAAB**

Pour ene personne qui fine mort pou li gagne sawaab de ou part, lire 2 rakaat nafil. Dans chaque rakaat lire Alham ou lire 11 fois Qul Houwallah. Apres salaam ou lire Tabaarakallazi. Après ça ou dimande doah avec Allah, "Eh Allah! avec wasila ou Mehboob et avec bénédiction ça nafil, avec ça sura la, donne li place dans jannat. Ou capave dimande les autre doahs encore.

Dans hadith fine dire qui dans chaque bon travail ou capave partage ça neki la are banne personnes qui fine mort la zotte profité. Avec ça nafil la ou capave envoie doah pour Hoozoor (s.a.w), Hazrat Ghausé Paak et done les autres Auliah Karaam et aussi pour tout rooh musulmans.

Ahle sunnat zotte aquida li coumme ça. Namaz li pou Allah et so sawaab ou capave partage li avec banne rooh. Ça parole la li dans Sahae sitta.

## **15. SALAT-US-SHIFAA**

Ça namaz la lire pou preserve ou are banne maladie. Ou capave faire dimoune malade la lire si li en position pou lire. Façon lire: Avant ou lire sura yasin 1 fois après ou lire 2 rakaats namaaz avec niyyat Salat-us-Shifaa. Sura qui ou conné ou lire. Après ça namaz la ou lire 1000fois: **Ya ahado ya samado ya witra ya fardo**

Si ou pe lire namaz la pou ou même ou lire ça doah la haut la et ou soufflé lor ou. Si ene l'autre dimoune qui malade, ou lire doah la et ou soufflé lor dimoune qui malade la.

## **16. SALAT-US-SHIFAA**

Si ou ena douleur dans le corps ou bien ene madame ler fine gagne douleur pou li gagne baba, ou capave lire ça namaz nafil la pou li. Dans chaque rakaat ou lire Alham et 25 fois **Qul yaa ayyouhal kafioun**.



Après namaz la ou lire 111 fois **Ya kaafiou ya shafiou ya maafiou**. A coté ene douleur ou soufflé et aussi ou capave soufflé dans l'eau ou boire ou bien ou faire qui pe souffert la boire.

## **17. SALAT-UL FATAH**

Si ou dans tracas l'examen, ou procès la cour ou bien ou peur ene l'ennemi qui pe donne ou misère, soit dans la case ou dans travail, ou lire ça namaz la. Rappelle bien Hoozoor (s.a.w) ti montré ça nafil la Hazrat fatima (r.a) et Hazrat Ali (r.a). Après namaz Esha, lire 2 rakaats nafil avec niyyat Salat-ul-fatah. Dans chaque rakaat, après Alham ou lire 3 fois Qul Houwallah. Après ça namaz la, ou lire 10 fois surah Al fatah. Après ça ou faire doah pou sauve ou avec tracas, l'ennemi etc. Si ou pas conne lire sura Al fatah, ou capave lire 41 fois sura fatiha (Alham).

N.B- Dans nous édition précédente par ene erreur d'impression, ti publier ki besoin lire Sura Al fatah 100 fois apres salat ul Fatah, En fait besoin lire seulement 10 fois. Veuillez informer les frères et soeurs ki ene ancienne édition pou ki zotte corrige ça dans zotte livre, ou pou gagne thawab pou ça. Merci

## **18. SALAT-UL-HAJAT**

Si ene ti fille qui n'a pas pe gagne demande, ou ene garçon qui li oussi dans ca problème la ou bien pou alle interview etc, ou lire 2 rakaats nafil chaque lundi et jeudi après namaz Maghrib. Ou faire niyyat Salaat-ul-Haajat. Ou lire sura qui ou conné. Après ça namaz la, ou lire 5 fois sura Al Mumtahina et ou dimande doah et puis ou soufflé dans ou la main et ou passe lor ou licou ou bien ou figure.

## **19. SALAT-US- SHUKR**

Dans chaque travail ler ou gagne sucess ou bien ene satisfaction ou besoin lire ça namaz la. Nous appelle ça namaz Shukrana. Hoozoor(s.a.w) ler li ti pe gagne victoire lor banne kaafir, ou bien ler ti pe retourne depuis banne voyage ou bien ler li ti pe tanne ene bon nouvelle, li ti ape lire ça

namaz la. Avec barakat ça namaz la ti ape gagne barakat dans tout banne travail, plan, voyage, bataille etc.

Facon lire: Ou lire 2 rakaats namaz niyyat Salat-us-Shukr. Dans chaque rakaat après Alham ou lire 3 fois Qul Houwallah après ça ou lire 5 fois **Allahoumma Rabbana atena fiddunya hassanatown wafil akherate hassanatown waqena azaaban naar**. Après ça ou alle dans sijdah et ou dimande doah.

## ***Douze mois so nafil chaque la lune so nafil***

### **BANNE NAFILS ZOT PROFITS**

Nafil pou ça douze mois qui mo fine écrire la, li dans banne tradition et pratique Ashrafi. Hazrat Makhdoom Ashraf Jahangeer (r.a) fine dire qui chaque peer so silsila fine ordonne zot banne moorid pou lire nafil ça douze mois la.

Silsila couma Quadria et chishtiah zotte Ustad, Hazrat Ghausse paak (r.a) et Khwaja Gharib Nawaz (r.a) ti pe lire ça banne nafil la régulièrement. Zotte ti pe dire qui ça banne nafil la ena boucoup sawab. Ça banne nafil la rappelle Salaat-Ui-Mustajabud Da'waat, ce qui veut dire qui banne personne qui faire ça namaaz la, zotte gagne ene benediction spéciale et doah qui zotte dimandé qabool. Ena boucoup récompense si lire ca banne nafil la. En bref, tout celui qui lire banne nafil et zotte amene zotte la vie d'après islam, Allah envoie so rahmat particulier lor zotte. Allah Ta'alaa préserve zotte aussi contre bala, tracas, du mal, maladie etc. Allah Ta'alaa avoye zot mangé et aide zot invisiblement. Zotte reste loin de banne l'ennemi personne pas capave faire dominaire lor zotte.

Hazrat Makhdoom Ashraf li dire qui Allah fine donne li l'occasion pou alle faire haj 12 fois. Dans chemin, li ti ape joine banne Auliah et tout Auliah qui li ti pe joine, zotte tout fine faire boucoup éloge pou ça banne nafil la. Zotte tout ti pe lire ça banne nafil la régulièrement.



**NOTE:** Ça banne nafil la, li pas faraz ou wajib ou bien sunnate moakkida. Ce qui pou lire ça li pou gagne sawab, li pou gagne profit et ce qui pas lire, li pas pou profité. Banne Auliah Karaam ti ape lire tout ça banne nafil la.

La nuit qui la lune visible, ça même la nuit besoin lire ça nafil la et si par contrayeté ou pas fine gagne l'occasion lire li, lere la ou capave lire la nuit suivante et si oulé ou capave lire li chaque nuit dans ça mois la.

Besoin lire ça avec niyyat nafil. Après banne nafil la, ou dimande doah pou tout banne frères et soeurs musulmans et oussi dimande dans mo haq. Allah pou amène tout banne frères et soeurs musulmans dans chemin droit et donne nou mohabbat nou le coeur pou nou Mehboob (s.a.w) et so banne banda Aulia-e-karam.

## **20. MUHARRAM SHAREEF**

Jour la lune visible, après namaz esha ou lire 6 rakaats nafil 2 par 2. Dans chaque rakaat ou lire surah Fatiha et Ayatul kursi 1 fois surah Ikhlas 11 fois. Après salaam ou lire 3 fois **Soubhanal malikil qoodoos sooboohun quddusun rabbouna warabbul malaikati warrooh**. Après ça ou dimande doah et Allah pou faire qabool, Insha allah.

## **21. YAUM-E-ASHOORA**

Dixième jour Moharram ça même qui nous appelle Yaum-e-Ashoura. Ça li ene jour qui ena boucoup barakat et Allah faire banne doah qabool. Hazrat Abdullah bin Masood (r.a) fine raconté qui Hoozoor (s.a.w) fine dire celui aide so famille ou ene musulman pauvre, Allah pou avoye so nourriture et pou sauve li are banne malheurs pendant toute l'année.

Jour Ashoura d'abord ou faire Ghoussul, après ou lire 2 rakaats nafil comme suite: Dans chaque rakaat ou lire Alhamdo Lillah et après ça 10 fois qul huwalaho ahad. Après salaam lire 1 fois Ayat-ul-kursi et 9 fois Darood qui nou lire dans namaaz la (Darood Ibrahim), après ça ou dimande doah. Insha Allah, ou pou gagne boucoup barakat et tout ou banne doah

pou qabool. Ça jour la, li bon garde roza, ena boucoup sawaab. Hoozoor (s.a.w) fine dire qui après Ramzan, roza qui pli ena sawaab, c'est Roza Ashoura. Banne qui garde ça roza la, di feu l'enfer pas pou brule zotte. Allah pou garde tou nou banne frères et soeurs musulmans dans saya nou Nabi et faire nou marche lor chemin qui nou Rassool (s.a.w) fine montre nou.

## **22. SAFAR**

Jour qui la lune visible, après namaz Esha ou lire 4 rakkats nafil. Dans premier ou lire sura fateha et Al kaferoon, dans 2eme Alhamdo et Qul houwallah, dans 3eme ou lire Alhamdo et sura Falaq (Qul arouzabirabbil falaq). Dans 4eme rakaats ou lire Alham et sura An naas. Après salaam ou lire 70 fois Darood et après lire 21 fois **Subhanallahi walhamdo lillah wala-ilaha illallah wallaho ackbar wala hawla wala qouwata illa billahil ali yil 'azwim** après ça ou dimande doah.

## **23. RABI UL AWWAL**

Jour qui la lune visible, après namaz Maghrib ou lire 2 rakaats nafil. Dans chaque rakaat ou lire Alhamdoulillaah et 3 fois Qul Houwallahu ahad. Après salaam ou lire 100 fois ça darood la : **Allahounma swalle alla sayyedena mohammadin wa 'alaa ale sayyedena mohammadin wa baarik wa swallow, birahmatika ya arhamar raahimin**. Après ça ou dimande doah.

## **24. RABI UL AKHIR**

Troisième jour la lune visible, après namaz Esha ou lire 4 rakaats nafil, ou lire n'importe qui surah ou conné, après salaam ou lire 111fois Yaa boudoo o ya badi o.

## **25. JAMAD IL AWAL**

Jour qui la lune visible, après namaz esha, ou lire 4 rakaats nafil. Dans chaque rakaat, après sura fateha ou lire sura Nasra (Izaja) 7 fois, après salaam ou lire 25 fois **Astagh firullah yaazal jalaali wal ikraam min**



**jami'iz zunubi wal aasam** et après ou faire doah.

## **26. JAMAD IL AKHER**

Jour qui la lune visible, après namaz Esha, ou lire 2 rakaats nafil. Dans chaque rakaat, ou lire sura fateha et ene fois "Leilafe Quoraishin". Après salaam ou lire 1 fois sura Yusuf. Si ou pas capave lire Quran shareef, ou lire **Ya samalooni** 500 fois. Après ça ou faire doah.

## **27. RAJAB**

Jour la lune visible, après namaz esha ou lire 2 rakaats nafils. Dans chaque rakaat ou lire Alhamdolillah et 3 fois Qul yaa ayyouhal kafiroun et 3 fois Qul houwallah o ahad. Après salaam ou alle dans sijdah et ou dimande doah.

## **28. LA NUIT MEHRAJ**

27eme nuit Rajab nou appelle ça la nuit Mehraj. Ça la nuit la li ene grand la nuit de benediction. A propos ca la nuit la, Hoozoor (s.a.w) fine dire qui n'importe qui musulman faire ibadaat et li garde roza le lendemain, Allah pou donne li sawaab 100 banané so ibadaat. Ça la nuit la ena 12 nafil pou lire 2 rakaats chaque fois. Dans chaque rakaat lire Alham et 3 fois fois Qul Houwallah. Quand fini complète ça 12 rakaats la bizin lire 100 fois **Subhanallah walhamdo lillah walailaha illallah wallahou ackbar** et aussi 600 fois **Astaghfirullah rabbi min kulle zambin wa atoubo ilai** et plus 100 fois encore Darood Shareef et après dimande doah. Le lendemain garde roza. Ler la Insha allah, ou doah pou qabool.

## **29. SHABAAN**

Jour la lune visible, après namaz Esha ou lire 2 rakaats nafil. Dans chaque rakaat ou lire Alhamdolillah et 3 fois Qul Houwallah. Après salaam ou lire 100 fois darood shareef, après ça ou dimande doah.

## **30. NAFIL SHABE BARAAT**

Minhajusunnah.com

Dans shabbe Baraat ou lire 12 rakkats nafil, ou lire 2 rakaats par 2 rakaats. Dans chaque rakaat ou lire Alhamdolillah et 10 fois Qul Houwallah. Après salaam ou lire 100 fois kalima Twayyeba, 10 fois Kalima Shahadat et 10 fois Kalima Tamjid et ou alle dans sijdah et ou dimande doah.

La nuit shabbe Baraat ena boucoup l'importance. Dans hadith ena qui Hoozoor (s.a.w) fine dire qui dans ça la nuit la, depuis le coucher du soleil jusqu'a fajr, Allah dimande banne banda dans dunya si ena quikene qui pou dimande pardon ou quikene pe dimande nourriture quikene qui dans difficulté qui pe dimande aide ou quikene pe dimande succès dans n'importe qui projet. Tous ça la Allah dire dimandé et li pou accorde. Dans ça la nuit la, doah qui ou pou dimandé Li accordé.

Après namaz Maghrib oussi ou lire 6 rakaats nafil.....2 rakaats Umar Darazi, 2 rakaats Rizk et 2 rakaats Dafaan Bala. Après chaque 2 rakaats ou lire Yasin et doah Nisfe Shabaan et après ou dimande les autre doahs. Si ou pas conne lire Yasin ou capave lire 21 fois Qul Houwallah ou 11 fois Al Hamdo.

### **31. RAMZAN**

Jour la lune visible, après namaz esha ou lire 2 rakaats nafil. Dans chaque rakaat après Alham ou lire 11 fois Qul Houwallah. Après salaam ou lire 1 fois inna fatahna. Si ou pas capave lire Quran Shareef ou lire 100 fois **Allahumma innaka afououn touhibboul afwa fa'fouanni**, après ça ou faire doah.

### **32. SHAABE QADAR**

Ça la nuit la li ene de plus grand la nuit parce qui Allah Talaa finne nomme ça la nuit la lailatul Qadr en d'autre mots, ene la nuit superieur a tous les autres la nuit la ou pou gagne boucoup sawab.

Hoozoor (s.a.w) fine raconte aventure ene homme pieux. Li fine faire ibadaat pendant mille bananés et la journée li ti pe faire Jihad. Banne sahaba fine dimandé " Ya Rasoolullah! Ou Ummat zotte longévitité bien moins. Couma zot pou capave faire autant ibadaat." Banne sahaba fine dans tristesse et Rassool (s.a.w) pe pensée lor la. A ce moment, Allah

fine envoye sura Inna Anzalna et Allah dire "Eh mo mehboob! Mo fine faire ene la nuit pou to banne Ummat qui li superieur qui mille mois". En d'autre mots, celui qui faire ibadaat ça la nuit la, Allah donne li sawaab pou mille mois ibadaat.

### **NAFIL SHABBE QADR**

Shabbe Qadr so nafil ena 4 rakaats. Ou lire li après namaz Esha.

### **FACON LIRE NAFIL SHABBE QADR**

Dans chaque rakaat ou lire Alham et 3 fois Inna Anzalna et Qul Houwallah 50 fois. Après salaam ou alle dans sijdah et ou lire 11 fois **Subhanallahi wal hamdulillahi wala ilaaha illallahou wallaahou ackbar wala hawla wala qouwwata illa billaahil alioul azim.**

Après ça ou lève lor sijdah et dimande doah. Insha Allah ou doah pou qabool.

Hazrat Aisha (r.a) fine dimandé "Ya Rassoolallah! Dans shabbe Qadar, qui doah mo pou lire?" Hoozoor(s.a.w) fine reponde Lire ça doah la: **Allahoumma innaka afoowoon tohibbool 'afawa fa'faoanni.**

Aussi besoin lire ça doah la: **Allahoumma inni as-alokal afwa wal 'aafiata wal morafatad daema fiddiné waddunya wal akhera.**

## **33. SHAWWAL (LA LUNE EID)**

Jour qui la lune visible ou lire 4 rakaats nafils après namaz Esha. Dans chaque rakaat après sura fateha ou lire 25 fois Qul Houwallah. Après salaam ou lire Subhanallahi walhamdoulillah wala ilaha illallahou wallaho ackbar wala hawla wala qouwwata illa billahil ali yil azwim 70 fois et après ça ou lire 70 fois darood après ça ou dimande doah.

## **34. ZIL QAD**

Jour la lune visible, après namaz Esha ou lire 2 rakaats nafil. Dans chaque rakaat après Alham ou lire 3 fois sura Inna Anzalna. Si ou pas conne ça



sura la, ou lire 11 fois Qul Houwallah et après salaam ou lire 11 fois darood et oussi ou lire 11 fois sura fateha (alham) et ou alle dans sijdah et ou dimande doah.

### **35. ZIL HAJ**

Jour la lune visible, après namaz Esha ou lire 2 rakaats nafil. Dans chaque rakaats après Alham ou lire 1 fois surah Al kaferoon (Qul ya ayyohal kaferoon). Après salaam ou lire 21 fois Ayatul kursi et 21 fois Qul Houwallah et finalement 21 fois darood shareef et après ou dimande doah.

**Note : Si dans livre la ou fine trouve quik faute ou ena quikchose qui ou pas comprend ou rende moi ene service, vine joine moi (Musjid Al-Aqsa) pou explications. En ce qui concerne bann fautes, mo a disposition pou faire rectification. Merci**

S.M. AHMAD ASHRAF JILANY

---

**Minhaajussunnah.com**